



Årsrapport for Folkehelseavdelinga 2016



Batalden, Flora kommune

Innhald

1. Innleiing	3
2. Organisasjonskart Flora kommune	4
3. Økonomi	5
4. Kompetanse	6
5. Miljøretta helsevern.....	6
5.1 Skular og barnehagar	6
5.2 Inneklima	7
5.3 Hud og fotpleie, frisør, holtaking, piercing og tatovering	7
5.4 Badeanlegg, boblebad og badstu	8
5.5 Radon	8
5.6 Asylmottak	8
5.7 Forureining- og støy.	9
5.8 Solarier	9
5.9 Kjøletårn etc, Legionella	10
5.10 Campingplassar	11
6. Smittevern	11
6.1 Tuberkulosekontrollprogram	12
7. Folkehelse/samfunnsmedisin.....	12
8. Plan for 2017	13
Folkehelseavdeling si plan for 2017:.....	13

1. Innleiing

Lov om folkehelse set strengare krav til det førebyggjande helsearbeidet i kommunane. Føremålet med lova er å bidra til ei samfunnsutvikling som fremjar folkehelse og utjamnar sosiale helseforskjellar. Folkehelsearbeidet skal fremje befolkninga si helse, trivsel, gode sosiale og miljømessige forhold og bidra til å førebygge psykisk og somatisk sjukdom, skade eller liding. Lova skal sikre at kommunar, fylkeskommunar og statlege helsemynde set i verk tiltak og samordnar si verksemd i folkehelsearbeidet på ein forsvarleg måte. Lova skal legge til rette for eit langsiktig og systematisk folkehelsearbeid.

Flora kommune har frå 01.01.13 vore vertskommune for eit interkommunalt samarbeid om miljøretta helsevern, smittevern og samfunnsmedisinsk rådgjeving/folkehelse. Arbeidet vert utført av Folkehelseavdelinga i rådmannen sin stab i Flora kommune og har kontor plass på Rådhuset i Florø.

Samarbeidet skal bidra til å oppfylle kommunane sitt ansvar til innbyggjarane i høve miljøretta helsevern, smittevern og førebyggjande samfunnsmedisinsk rådgjeving/folkehelse.


Naustdal og Solund kommune har meldt seg ut av det interkommunale samarbeidet frå 01.01.2017.

Flora kommune vil takke for godt samarbeid med alle kommunane.

Florø mars 2017

Elisabeth Solheim
Leiar Folkehelseavdelinga

2. Organisasjonskart Flora kommune



Folkehelseavdelinga er organisert i Kvalitet og utvikling i rådmannen sin stab.

3. Økonomi

I tabellen under viser vi årsresultatet for avdelinga i 2016. Prosjektmidlar frå Fylkesmannen (kr 77000,-) vert fondsavsett til vidare arbeid med helseoversiktsdokumentet i 2017.

Kommunane fekk utbetalt det akkumulerte overskotet frå driftsåra 2013-2015 i samsvar med det som vart bestemt i møte med rådmenn november 2016.

		Buds(end)	Regnskap
		2016	2016
Tenester:	131050 Interkom. Folkehelseavd.		
10101	Fast løn til fast tilsette	2815	3000
10901	PENSJONSINNSKOT KLP	417	337
10902	PENSJONSINNSKOT SYKEPLEIERE	0	59
10991	ARBEIDSGJEVARAVGIFT	455	475
11054	LÆREMIDLAR	0	1
11180	MATSERVERING VED KURS/OPPLÆRING	0	5
11215	HOTELLOPPHALD(UTANOM KURS/OPPLÆRING)	0	4
11291	VELFERDSTILTAK	0	5
11302	PORTOUTGIFTER	0	1
11304	TELEFONUTGIFTER MOBILTELEFONAR	30	7
11501	Opplæring, kurs	0	4
11505	KURSAVGIFTER/HOTELLOPPHALD	100	33
11605	REISE, DIETT OG BILGODTGJ. TILSETTE	100	49
11770	REISEUTGIFTER(IKKJE OPPG.PL)	0	47
11990	KONTINGENTAR	0	1
12001	INVENTAR OG UTSTYR	0	3
12009	ANNA UTSTYR/INVENTAR	0	5
12701	KONSULENTTENESTER	0	20
14291	Moms generell komp.ordning	0	23
15501	AVSETNINGER TIL BUNDNE FOND	0	77
16901	INNTEKTER AV FORDELTE UTGIFTER	-500	0
17102	REFUSJON SJUKEPENGAR	0	-40
17501	REF. FRÅ KOMMUNAR	-3417	-3917
18001	RAMMETILSKOT FRÅ STATEN	0	-200
	Sum tenester: 131050 Interkom. Folkehelseavd.	0	-4
	T O T A L T	0	-4

4. Kompetanse

Folkehelseavdelinga har fram til 01.12.16 hatt til saman 4,3 årsverk fordelt på 6 personar. Frå 01.12 har avdelinga hatt 3,3 årsverk fordelt på 5 personar då ein av våre medarbeidarar har sagt opp si 100 % stilling. Frå den 09.01.17. gjekk ein av våre legar ut i eitt års utdanningspermisjon. Osnes har auka sin stilling frå 70-80% , då det lokalt er mindre smittevernarbeid knytt til flyktningar og arbeidsinnvandring.

Frå 09.01.17 vil det vere 2,9 årsverk i avdelinga. Folkehelseavdelinga har valt å ikkje lyse ut den ledige stillinga då denne har vore delfinansiert av skjønsmidlar frå Fylkesmannen. Nordgård vil vere tilbake i avdelinga i 2018. Personalsituasjonen og plan for vidare arbeid i avdelinga vart drøfta med rådmenn på første styremøte i starten av februar 2017.

Avdelinga har framleis brei samansett kompetanse. To sjukepleiarar, ein har vidareutdanning som helsesøster og ein som intensivsjukepleiar. Avdelinga har òg rettleiingskompetanse. I avdelinga har vi bioingeniør og lege med spesialistutdanning som samfunnsmedisinar og allmennlege. Ein lege er under utdanning som samfunnsmedisinar. Tre av fire er tilsett i andre kommunale stillingar noko vi meiner berikar fagmiljøet. Vi ser at samansettinga i avdelinga dekkjer det nødvendige innanfor vårt ansvarsområde.

Folkehelseavdelinga vil frå 2017 ha ansvar for 11 kommunar då Naustdal og Solund kommune har valt å avslutte samarbeidet.

5. Miljøretta helsevern

Miljøretta helsevern omfattar dei faktorar i miljøet som til ei kvar tid direkte eller indirekte kan ha innverknad på helse. Desse omfattar mellom anna biologiske, kjemiske, fysiske og sosiale miljøfaktorar.

Arbeidet til Folkehelseavdelinga omfattar tilsyn med faktorar i miljøet som kan ha innverknad på helse. Dette gjeld både private og offentlege verksemdar og omfattar støy, inneklima, luftkvalitet, stråling, forureining samt førebygging av ulukker og skader.

Folkehelseavdelinga er eit forvaltningsorgan som har fått delegert mynde til å føre tilsyn og fatte vedtak om retting etter ei rekke føreskrifter. I tillegg til sakshandsaming av enkeltsaker arbeider vi med informasjon og rådgeving knytt til alle felt innan miljøretta helsevern.

I utvikling av kommunedelplanar og reguleringsplanar ynskjer Folkehelseavdelinga å verte meir involvert. I løpet av 2016 har vi gjeve uttale i plansaker i Gaular, Stryn og Flora kommune.

5.1 Skular og barnehagar

Alle skular og barnehagar har hatt tilsyn etter føreskrift om miljøretta helsevern. Nokre einingar har fått pålegg som ein del av godkjeningsprosessen og vert fulgt opp vidare. Det er gjennomført fagdagar i kommunane som ein del av oppfølginga.

Alle einingane har gjennomført CO2-målingar/inneklimatemålingar i 2016. Målingane har teke noko tid og nokre av resultatane har heller ikkje hatt god nok kvalitet og måtte difor målast på nytt. Folkehelseavdelinga har sjølv fulgt opp målingane i dei skulane og barnehagane som har hatt dårlege verdiar eller ikkje hatt god kvalitet på målingane.

Etter gjennomført tilsyn og godkjenning av skular og barnehager skal det utarbeidast ein tilstandsrapport til den enkelte kommune.

Sju kommunar har fått tilsendt slik rapport. Denne er ei fagleg vurdering av uteområdet og bygga si fysiske utforming/inneklima utifrå krav i føreskrift om miljøretta helsevern. Rapporten er tenkt som ei hjelp til administrasjon og politikarar i høve prioriteringar av nødvendig, større vedlikehald og rehabilitering. Manglande måleresultat, dårlege inneklimatemålingar og andre tilhøve har seinka prosessen med å få ferdigstilt rapporten i nokre kommunar.

Som siste kommune er det er gjort tilsyn og godkjenning med alle skular og barnehagar i Flora kommune i 2016. Flora kommune vil få tilsendt tilstandsrapport når alle vedtak er fatta.

Samarbeidet med skular og barnehager har fungert godt og vi opplev å verte tekne vel imot ute i kommunane. Fleire skule- og barnehageleiarar tek kontakt per telefon eller e-post for å be om faglege råd og rettleiing i etterkant av godkjenningsrunden og når nye problemstillingar kjem opp.

Når skular og barnehagar planlegg rehabilitering eller ombygging/nybygg vert vi i for liten grad trekt inn i prosessen. Folkehelseavdelinga skal òg involverast i planarbeid og gje uttale og godkjenning i høve dette.

5.2 Inneklima

Avdeling gjev råd og rettleiing om innemiljøproblem knytt til fukt, varme, ventilasjon, lysforhold, og materialbruk. Vi har tilsyn med røykebestemmelsar i off. bygg og serveringsstader. Inneklima har stor merksemd i arbeidet med tilsyn- og godkjenning av skular og barnehagar.

Avdelinga har fått henvendelse frå fleire kommunar vedrørane inneklima og arbeid med fleire konkrete saker .

5.3 Hud og fotpleie, frisør, holtaking, piercing og tatovering

I 2014 gjorde Folkehelseavdelinga ei kartlegging av alle verksemdar som driv med holtaking/piercing, tatovering, hud og fotpleie, frisørar, samt solarier. Desse fekk tilsendt informasjon om melde- og godkjenningsplikt. I 2016 gjorde vi ei tilsvarande kartlegging i Stryn, Vågsøy og Selje. Dei verksemdene som har svart på henvendelsen er fulgt opp. Det er lagt til rette for å svare både i Word/PDF-format , men òg elektronisk via vår nettside.

Folkehelseavdelinga har ivareteke kommunane sitt ansvar i høve å informere og skaffe oversikt over aktuelle verksemdar som vert omfatta av føreskrifta.

Oversikt over verksemder:

	Antal verksemder som er kartlagt og kontakta	Antal verksemder som har sendt melding/søknad og er ferdig handsama
Askvoll	11	2
Bremanger	10	3
Fjaler	6	1
Flora	40	13
Førde	48	22
Gaular	5	1
Høyanger	12	5
Jølster	8	3
Naustdal	4	0
Selje	8	3
Stryn	14	7
Solund	3	1
Vågsøy	18	9

Verksemder som har gjeve tilbakemelding om nedlagt verksemd er ikkje inkludert i tabellen over.

5.4 Badeanlegg, boblebad og badstu

Kravet om tilfredsstillande helsemessige og hygieniske forhold er heimla i [Folkehelselova](#) / LOV 2011-06-24 nr.29 og i [Forskrift for badeanlegg, bassengbad og badstu m.v](#) / FOR 1996-06-13nr.592. Dette gjeld verksemder eller anlegg som er opne for offentlegheit og/eller utleige. Føreskrifta gjeld òg badstu sjølv om den ikkje er knytt til badeanlegg eller bassengbad.

Folkehelseavdelinga har i 2016 gjort ei kartlegging og orientert om meldeplikt til alle aktuelle verksemder som vert omfatta av føreskrifta i Stryn , Vågsøy og Selje. Dei verksemdene som ikkje har levert meldeskjema vert fulgt opp vidare. I dei andre kommunane er dette arbeidet gjort tidlegare.

5.5 Radon

Avdelinga har inngått avtale med eit firma for levering av sporfilm for radonmåling til innbyggjarane i dei samarbeidande kommune. Avtalen inneber at kvar kommune får tilsendt resultat av målingane årleg. Dette er knytt til gards- og bruksnummer og vil såleis gje ei oversikt over geografiske radonutfordringane i kommunen. Avtalen kan nyttast av alle, kommune og burettslag har fått noko betre prisar enn enkelthustandar. Avdelinga har bidrege med informasjon og rettleiing i høve til handtering av radonutfordringar i enkeltkommunar.

Avdelinga har fulgt opp arbeidet med skular og barnehagar si dokumentasjonsplikt i høve radonnivået som ein del av godkjenninga etter føreskrift om miljøretta helsevern. Dei einingane som ikkje har slik dokumentasjon har fått pålegg om å måle radon. Radonutfordringar er generelt liten i vårt område, men nokre kommunar og områder har utfordringar der avbøtande tiltak må setjast i verk.

5.6 Asylmottak

Asylmottak er meldepliktige verksemder etter forskrift om miljøretta helsevern. Staten sin politikk med konkurranseutsetjing av denne verksemda og med kortsiktige

driftsavtalar, har gjort at det i vårt område har vore kommunar som har fått betydeleg nye utfordringar i samband med nedlegging og oppretting av asylmottak.

Flyktnings situasjonen i Norge og Europa i har endra seg i 2016. Kommunane har såleis hatt noko mindre pågang av tenester til denne gruppa. Det har likevel vore behov for rettleiing på området spesielt i høve smittevern. Det er gjort tilsyn på eitt asylmottak i 2016.

5.7 Forureining- og støy.

Folkehelseavdelinga bidreg med råd, rettleiing og eventuelle vedtak om retting vedrørende bygge- og anleggsstøy, støy frå tekniske installasjonar, bedrifter/industri, flystøy, fritids- og underholdningsstøy mm. Støysaker er ofte saker som har eit potensiale til å utvikle seg til konflikter mellom ulike interessegrupper, og gjerne med store konsekvenser og kostnader for kommunen, bedrifter eller einskild partar. Tidleg informasjon og rettleiing i desse sakene vil styrke kommunen si saksbehandling, og er heimla som eit lovkrav.

I tillegg til enkelte henvendelsar frå kommunane har avdelinga behandla konkrete saker der innbyggerane har klagt på støy frå næringsverksemd eller naboar. Avdelinga har hatt to konkrete støysaker til behandling i 2016.

Forureining

Folkehelseavdelinga er delegert mynde etter delar av lov om forureining og om avfall. Vi kan føre tilsyn med verksemdar og gjev råd og rettleiing knytt til helserisikovurdering i høve:

- Drikkevassanlegg, kvalitet på badevatn, samt forhold i samband med utslepp og forureining av vatn og vassdrag.
- Skadedyrkontroll
- Overvaking og målerapportering av helse- og miljøskadelege gassar og svevestøv. Informasjon, råd og rettleiing om grenseverdier, problemområder, status, planar og utvikling for luftkvalitet.
- Hygieniske forhold ved dyrehald i tettbygd strøk
- Hygieniske forhold i samband med renovasjon og avfallshandtering, kontroll med forsøpling bl.a. bilvrak.

I tillegg kartlegging av forureining i jord og byggegrunn, behandling av tiltaksplanar ved terrenginngrep på forureina grunn i henhold til forureiningsførskrifta kapittel 2.

5.8 Solarier

Folkehelseavdelinga har tidlegare kartlagt solarieverksemdar i kommunane, dette arbeidet er gjort i Nordfjordkommunane i 2016. Dei verksemdene som er kartlagt har fått informasjon om meldeplikt. Arbeidet med å spore og kartlegge desse verksemdene har vore tidkrevande og dels vanskeleg. Vi har nytta Brønnøysundregisteret, Gule sider, samt ulike nettportalar som registrerer slik type bedriftsinformasjon.

Det syner seg at mange ikkje er klar over melde- og godkjenningssplikta og det må drivast eit aktivt informasjonarbeid i høve dette.

Frå 1.1.2017 er strålevernføreskiift revidert med krav om alderskontroll i solarier. Folkehelseavdelinga har fulgt opp dette og sendt informasjon til alle som tilbyr denne tenesta.

Oversikt over verksemder:

I fleire kommunar har vi ikkje greidd å finne aktuelle verksemder eller kontaktpersonar til verksemder som kan vere aktuelle.

	Antal verksemder som er kartlagt	Antal verksemder det er gjort tilsyn ved
Askvoll	0	
Bremanger	3 (-1 etter tilsyn)	3
Fjaler	1(nedlagt etter tilsyn)	1
Flora	3	3
Førde	2	2
Gaular	0	
Høyanger	1	1
Jølster	1	1
Naustdal	0	
Selje	0	
Solund	0	
Stryn	2	2017
Vågsøy	1	2017

Verksemder som har gjeve tilbakemelding om nedlagt verksemd er ikkje inkludert i tabellen over.

5.9 Kjøletårn etc, Legionella

Folkehelseavdelinga har ansvar for å halde oversikt og innhente opplysningar om alle meldepliktige verksemder i vårt område. Dette gjeld verksemder som direkte eller indirekte kan spreie legionellaforureina aerosol til omgjevnadane, utandørs eller innandørs etter "*Forskrift om miljørettet helsevern*" og "*Forebygging av legionellasmitte- en veiledning, 2012*". Det er gjort ei kartlegging av alle aktuelle verksemder og fulgt opp med informasjon om meldeplikt og krav om sertifisering hos eit akkreditert tilsynsorgan.

Oversikt over verksemder:

	Antal verksemder som er kartlagt	Antal verksemder det er gjort tilsyn ved
Askvoll	0	
Bremanger	0	
Fjaler	0	
Flora	2* (Eitt kjøletårn er ikkje i drift)	1
Førde	0	
Gaular	0	
Høyanger	1	Avtale om inspeksjon av tre luftskrubbarar 2017
Jølster	0	
Naustdal	0	
Selje	0	
Solund	0	
Stryn	0	
Vågsøy	1	Avtale om inspeksjon av kjøletårn 2017

5.10 Campingplassar

Campingplassar, vandreheimar og andre liknande verksemdar som tilbyr overnatting har meldeplikt til kommunen etter føreskrift om miljøretta helsevern. Folkehelseavdelinga har i 2016 gjort ei kartlegging av denne type verksemd og har så langt registrert 140 verksemdar i dei 13 kommunane. Alle vart kontakta og fekk tilsendt informasjon om meldeplikt og meldeskjema, av desse har 55 returnert meldeskjema/gjeve tilbakemelding til oss. På bakgrunn av ei risikovurdering vart det bestemt å gjere tilsyn på dei største verksemdene. Folkehelseavdelinga gjennomførte tilsyn ved 25 verksemdar i august –september. Alle verksemdene som har sendt inn meldeskjema har fått svar. Det vart i etterkant òg sendt ut rapport til alle registrerte verksemdar. Denne inneheldt ei oppsummering av status og ei generell orientering og tilråding om konkrete førebyggjande tiltak for å tilfredstille krav i føreskrift. Det er ei utfordring at så få verksemdar fyl opp kravet om meldeplikt. Folkehelseavdelinga ser likevel betydninga av å informere verksemdene om helsemessig forsvarleg drift og å gjere dette meir kjend for eigarane. Kommunane har såleis fulgt opp sitt ansvar både i høve å skaffe seg oversikt over verksemdene og gje informasjon/retteleiing på området.

Oversikt over verksemdar:

	Antal verksemdar som er kartlagt og kontakta	Antal verksemdar som har sendt melding	Antal verksemdar som det er gjort tilsyn ved så langt
Askvoll	7	5	
Bremanger	17	5	
Fjaler	10	4	
Flora	7	3	1
Førde	2	2	2
Gaular	9	3	1
Høyanger	4	3	
Jølster	12	6	2
Naustdal	0*	0	*Ikkje greidd å finne verksemdar / kontaktpersonar
Selje	8	3	1
Solund	4	0	
Stryn	44	24	17
Vågsøy	9	3	1

Verksemdar som har gjeve tilbakemelding om nedlagt verksemd er ikkje inkludert i tabellen over.

6. Smittevern

Smittevern har vore ein vesentleg del av informasjons-/retteleingsarbeidet i arbeid med badeanlegg, campingplassar, frisør, hud-og fotpleie, holtaking- og piercing, samt tatoveringsverksemdar. I oppfølgingsarbeidet etter godkjenning av skular og barnehagar har førebyggjande smittevern òg hatt vesentleg fokus.

Avdelinga får også mange spørsmål om ulike konkrete smittevernsaker både frå helsepersonell i kommunane og publikum som vert besvart.

Mal for kommunal smittevernplan er oppdatert på avdelinga si heimeside fleire gonger i 2016 og er tilpassa å kunne leggest inn som deldokument til kommunane sine samla beredskapsplanar. I løpet av 2017 er det planlagt ein gjennomgang i kvar kommune av kommunen sin smittevernplan med underdokument.

6.1 Tuberkulosekontrollprogram

Nasjonalt er det i løpet av 2016 fleire gonger gjort endringar i anbefalt tuberkuloseprogram for kommunane. Dette ut frå endringar i tilstrøyming av flyktningar og nye risikovurderingar.

Mal for tuberkulosekontrollprogram er difor i fleire rundar oppdatert med nye retningslinjer og linkar til sentrale prosedyrer på Folkehelseavdelinga sine heimesider. I samband med gjennomgang av smittevernplanar i alle kommunane i 2017 vil ein også gå gjennom dei kommunale tuberkulosekontrollprogramma.

7. Folkehelse/samfunnsmedisin

Avdelinga har ansvar for den overordna førebyggjande delen av samfunnsmedisinfeltet. Dette inneber ansvar for overordna planar og prosedyrar, samt å arbeide med felles prioriteringar.

I arbeidet med Helseoversiktsdokumentet har det vore arrangert tilsaman fire fellessamlingar i 2016. Det har vore eit mål at folkehelseutfordringane i dei ulike kommunane skulle løftast opp og legge grunnlag for strategiske satsingar innan folkehelseområdet. Det har òg vore einigheit om at dokumentet må vere retningsgjevande og kunne brukast som eit styringsverktøy for kommunane. Det må såleis knytast opp imot arbeidet med kommuneplanen sin samfunnsdel. På fellessamlingane har vi vektlagt prosessen og hatt gode, faglege diskusjonar om innhald og utforming av dokumentet. Oppmøtet i arbeidsgruppa har variert, fagfolk frå det helsefaglege området i kommunane har vore best representert på alle samlingane. Det har vore vanskeleg å få med representantar frå plan/teknisk og delvis skule.

Det er utarbeidd ein felles mal og helseoversiktsdokumentet var ferdigstilt februar 2016. I det vidare arbeidet vil den enkelte kommune sjølv supplere med lokale data og kunnskap/ erfaringar. Det er ulikt kor langt ein er komen med arbeidet lokalt. To kommunar har ferdigstilt arbeidet. Folkehelseavdelinga har tilbydd seg å komme ut i kommunane for å hjelpe med ferdigstilling av dokumentet. Kommunane er bedne om å ta initiativ til slike møter.

Føreskrifta krev at helseoversiktsdokumentet skal reviderast årleg og det skal gjerast ein større revisjon kvart fjerde år. For å lette den framtidige innhentinga av data og revidering av dokumentet er det tenleg å få samla kvantitative data/statistikk, kvalitative data og andre undersøkingar på ein stad. Folkehelseavdelinga tok difor initiativ til eit samarbeid med Helse Førde, Samhandlingsbarometeret og Sogn og Fjordane Fylkeskommune for å få samla, kvalitetssikra og gjort folkehelsedata

tilgjengeleg. Samhandlingsbarometeret var svært positive til dette og har starta arbeidet med å tilgjengeleggjere data etter malen som er utarbeidd. Dette er eit pågåande arbeid som vi samarbeider om vidare.

Det vert òg arbeidd med å nytte "Fylkesspegelen" som kjelde vidare.

I eit samla arbeid med kunnskapsbasen i Sogn og Fjordane er det viktig å koordinere arbeidet internt i fylket, men òg i høve det staten gjer. Det er òg behov for betre koordinering og samarbeid for å følgje op m.a. regional plan for folkehelse.

Fellesmalen for Helseoversiktsdokumentet er gjort tilgjengeleg på

Folkehelseavdelinga sine nettsider www.Folkehelseavdelinga.no.

Det er òg laga ei nettside etter wiki-modellen som syner kva moglegheiter ein har for presentasjon av helseoversiktsdokumentet. www.folkehelseoversikt.no

På styringsgruppemøte med rådmenn i november vart det bestemt at avdelinga skulle ta ein ny orienteringsrunde om vårt arbeid ute i kommunane. Dette er føremålstenleg av omsyn til at det er tre-fire år sidan avdelinga starta sitt arbeid. På desse åra har det vore personalutskiftningar, samt kome til nye endringar og krav på fagområdet. Så langt har avdelinga hatt møte med tre kommunar.

Folkehelseavdelinga har oppdatert og vidareutvikla heimesida.

Internkontrollsystemet er revidert.

8. Plan for 2017

Felles rådmannsmøter er viktige arena for diskusjon om framdrift og satsingsområder i avdelinga og korleis arbeidet skal implementerast i kommunane. Det har vore gjennomført tre møter med rådmenn i 2016.

Folkehelseavdeling si plan for 2017:

- Auke kunnskapen i kommunane om fagfeltet og Folkehelseavdelinga sitt arbeid
- Tilsyn på solarieverksemder i Nordfjordkommunane
- Ajourføre alle avvik på skule og barnehagar
- Ferdigstille tilstandsrapport for skular og barnehagar.
- Implementere helseoversiktdokument i samarbeid med kommunane.
- Hjelp med implementering av folkehelseutfordringar i kommunale planar.
- Ny runde i alle kommunane for oppfølging av det overordna smittevernarbeidet
- Gjennomgang av kommunal smittevernplan og hjelp med implementering av denne i kommunen sin beredskapsplan
- Opplæring av helsepersonell i bruk av smittevernplan
- Forløpande behandle saker som kjem til
- Førebu ny godkjenningrunde på skular og barnehagar i 2018